



partii naleraq

UPA 2016/126-01

03.05.2016

**Kommunit tamaasa suleqatiginissaat aallartisarniaqqullugu, kommunillu akornanni naligiinnerulernissaq siunertaralugu iliuseqarnissamut periarfissaasinnaasunik qulaajaanissaq, tamatumanilu kommunit ataasiakkaat suliassanik isumagisassaminnik aningaasaqarnikkut periarfissaat eqqarsaatigalugu, taamatuttaarlu iliuserisassat pineqartut aningaasatigut allaffissorinnikkullu kingunerisassaat qulaajaqqullugit Naalakkersuisut peqquneqarnissaattut Inatsisartut aalajangiiffigisassaannik siunnersuut. Qulaajaanissami aningaasatigut naligiissaarinermut aaqqissuussineq atuuttoq ilaatinneqassaaq, taamaattorli taannaanaq killiffigineqassanngilaq.**

(Inatsisartunut ilaasortaq Sara Olsvig, Inuit Ataqatigiit)

Inatsisartunut ilaasortap Sara Olsvig, Inuit Ataqatigiinneersup siunnersuutaa, tassa Kommunit tamaasa suleqatiginissaat aallartisarniaqqullugu, kommunillu akornanni naligiinnerulernissaq siunertaralugu iliuseqarnissamut periarfissaasinnaasunik qulaajaanissaq, tamatumanilu kommunit ataasiakkaat suliassanik isumagisassaminnik aningaasaqarnikkut periarfissaat eqqarsaatigalugu, taamatuttaarlu iliuserisassat pineqartut aningaasatigut allaffissorinnikkullu kingunerisassaat qulaajaqqullugit Naalakkersuisut peqquneqarnissaattut Inatsisartut aalajangiiffigisassaannik siunnersuut. Qulaajaanissami aningaasatigut naligiissaarinermut aaqqissuussineq atuuttoq ilaatinneqassaaq, taamaattorli taannaanaq killiffigineqassanngitsoq pillugu siunnersuutaa Partii Naleqaamiit imannak oqaaseqarfigissuarput.

Siunnersuut soqutiginarloq aamma naalakkersuinikkut suliap ingerlateqqinneqarnissaa pissanganarloq siunnersuutigineqarmat qujanaq.

Partii Naleqqamiit siunnersuut tingulluarparput aamma piareersimavugut piumassuseqarlutalu kommunit, innuttaasullu naligiinnerusumik ineriartortinneqarnissaannut atugassaqartinneqarnissaannullu suleqataassalluta.

Siullermik eqqaasitsissutigeqqaassuarput, kommunerujussuit pilersinniarneqarnerannut siunertat ilagilluinnarmassuk, suliassaqrifiit assigiinngitsut kommunut nuussorneqarnissaat, minnerunngitsumillu allaffissornermut aningaasartuutit apparterujussuarnissaat.

Taakkuinnaalluunniit eqqarsaatigalugit killiffiup nalilersorneqarnissaa pisariaqarpoq.

Aamma eqqaamasariaqarpoq 2014-imi Qaasuitsup kommuniata avinneqarnissaa pillugu innuttaasut taasitinneqarnermikkut piomasagaataat tusaaniarneqartariaqartut piomasaraarput.

Taamanikkummi taasiartortut 80 %-it missaasa kommunerujussuup avanneqarnissaa piomasaraat.

Taamaammat naalackersuisut aperiniarpavut:

1. Qaasuitsup kommuniata avinneqarnissaa pillugu suliaq sumut killinnersoq ?

Tassami innuttaasut tusaaniarlugit piomasagaataallu naapertorlugit sulisussaangatta.

Tamattami nassuerutigisariaqarparput ullummikkut kommunit sisamat taama inissisimatillugit naligiinnginneq ersarissorujussuusoq takuneqarsinnaammat.

Isumaqarpugut innuttaasut kommunillu naligiinnerulernissaat anguniarlugu apeqqutit assigiinngitsorpassuit eqqartorneqarlutillu qulaajarneqarnissaat pisariaqartoq.

Tamakkununga ilaalluinnarpoq akileraartarnikkut atugassarititaasut nalilersorluarneqarnissaat.

Taamaattumik-una aamma siunissamut piareersimanissaq eqqarsaatigalugu, 2017-imut akileraarutit pillugit inimi maani oqallinnermut atatillugu akileraartarnikkut aaqqissuusseqqinnissaq piomasagaatingippit, kisianni ajoraluartumik Naalackersuisut tamanna pillugu annerusumik eqqarsaasersunngitsut paasivarput.

Kommunini oqimaaqatigiissumik inerisaasoqarlunilu eneriartortitsisoqassappat, minnerpaamik makku sumiiffinni assigiinngitsorpassuarni iluarsiivigineqartariaqarput:

- a. Akileraartarnikkut aaqqissuusseqqinneq/naligiissaarineq,
- b. Ilinniartitaanikkut, angallannikkut, sanaartornikkut, suliffissaqarnikkut, isumaginninnikkut, sunngiffimmi sammisassaqtitsinikkut allarpassuartigullu tamanut assigiinnerusunik periarfissiinissaq, pingaartumik nunaqarfiit illoqarfiillu mikinerusut, avinngarusimasuniittullu aamma eqqarsaatigalugit,

Tassami maannamut ineriartornerup takutippaa, pingaartumik kommuni kujallermi aamma Qaasuitsup kommuniani innuttaasunut atugassarititaasut ilaatigut ajornerpaaffissaata killingani inissisimasut, ilami allaat pissutsit ilaatigut ima ajortigilersimapput, innuttaasut ilaasa eqqaavissiornikkut nerisassaqarniarneq qinertariaqartarsimallugu.

Taamaammat inuiaqatigiinni aaqqissusseqqinnissaq piviusorsiorloq piaartumik sulissutigineqartariaqartoq Naalakkersuisunut kaammattuutigeqqissuarput.

Tassami Partii Naleqqamiit ataasiarnata inimi maani erseqqissaatigisarlugulu takutittareerparput, innuttaasut isertitaqarnikkut qanoq assigiinngilluinnartigisumik inissisimasut.

Ilaatigummi 2013-imi naatsorsueqqissaartarfiup kisitsisaatai naapertorlugit, tassani takuneqarsinnaapput:

- a. inuit 6.385-it ukumut 50.000,- kr-init inorlugit isertitaqarsimasut,
- b. inuit 11.714-it 100.000,- kr-it inorlugit isertitaqarsimasut,
- c. inuit 7.839-it 150.000,- kr-it inorlugit isertitaqarsimasut,
- d. inuit 5.208-it 200.000,- kr-t inorlugit isertitaqarsimasut,
- e. inuit 3.831-it 250.000,- kr-it inorlugit isertitaqarsimasut,

Tassuuna takuneqarsinnaavoq inuit pissakinnerusut, akunnattumillu annertussusilinnik isertitaqartartut inuiaqatigiit affai sinnerujussuarlugit amerlassuseqartut.

Taamaattumik aaqqissusseqqinnissami inuit pissakinnerusut aammalu akunnattumik annertussusilinnik isertitallit qanoq ilillugit piaarnerusumik imminnut napatinnerulernissaat anguniarlugu iliuusissat piareersarneqarnissaat pisariaqarluinnartoq isumaqarpugut.

Nalunngilarpullu suliassat ataatsikkut tamaasa aallartinneqarsinnaanatillu iluarsineqarsinnaanngitsut, taamaattumik iliuusissatut pilersaarusiussangaanni suliassat pingaarnersiorlugit tullerriaarisooqarnissaa inassutingaarput.

Isumaqarpugut inunnut atugassarititaasunut attuumassuteqaartut aaqqissuuteqqinneqarnissaat siulliullugit aallartiffiusariaqartut.

Naatsumik oqaatigalugu, qanoq iliorutta innuttaasut pissakinnerit akunnattumillu annertussusilinnik isertitaqartartut, aningaasarsiornikkut qaffariarnissaannut pitsaanerusunik periarfissillungillu aqutissiuussinnaavagut ?

Oqartoqarumassasoq naatsorsuutigisinnaavarput, ilinniartitaanikkut tamakku qaangersinnaavangut - aap aamma tamanna ilu Moorpoq, kisianni massakkorpiaq imaluunniit aqagu, ukiulluunniit tullia tamakku anguneqarsinnaanngikkallartillugit – immikkut ittumik iliuseqarnissaq pisariaqartoq isumaqarpungut.

Taama naakkalualumik oqaaseqarluta siunnersuut tunngaviatigut taperserparput, ataatsimiitaliami aappassanneerqannginnerani oqaluuserineqarnissaa inassutigalugu.